

The Electronic *Manipulus florum*
www.manipulusflorum.com

Correctio bo
cum fonte primo

Non debet uicia aliena corripere
qui adhuc uiciorum contagionibus fuerit inuolutus.
Improbum enim est arguere quicquam in alio
quod adhuc reprehendit in se ipso.
Qui enim ueraciter fraternam uult corripere ac sanare infirmitatem,
talem se prestare fraterne utilitati studeat
ut eum quem corripere cupit humili corde admoneat.

Sicut enim uiri spirituales alieni peccati emendacionem expectant,
ita proterui delinquentibus deridendo insultant
et quantum in ipsis est eos insanabiles putant.

Ysidorus libro III. de summo bono capitulo XXXII.

Non debet uitia aliena corripere
qui adhuc uitiorum contagionibus seruit.
Improbum est enim arguere quemquam in alio
quod adhuc reprehendit in semetipso.
Qui ueraciter fraternam uult corripere ac sanare infirmitatem,
talem se praestare fraternae utilitati studeat,
ut eum quem corripere cupit humili corde admoneat,
et hoc faciens ex compassione quasi communis periculi,
ne forte et ipse subiciatur temptationi.
Sicut uiri spirituales alieni peccati emendacionem expectant,
ita proterui delinquentibus deridendo insultant,
et quantum in ipsis est, eos insanabiles putant,
nec declinant cor ad conpatiendi misericordiam,
sed superbientes detestantur atque blasphemant.

Isidorus Hispalensis, *Sententiae*, 3.32.1-3
(CCSL 111, P. Cazier ed., pp.269-70, ll.2-14).